

<b>Adroddiad i'r:</b>	<b>Cyngor Sir</b>
<b>Dyddiad y Cyfarfod:</b>	<b>13 Mai 2014</b>
<b>Aelod sy'n cyflwyno:</b>	<b>Y Cyngorydd Huw Hilditch-Roberts</b>
<b>Awduron yr Adroddiad:</b>	<b>Grŵp Cadeiryddion ac Is-Gadeiryddion Archwilio/ Cydlynnydd Archwilio a Swyddog y Gwasanaethau Democraidd</b>
<b>Teitl:</b>	<b>Adroddiad Blynyddol Pwyllgorau Archwilio'r Cyngor</b>

---

**1. Am beth mae'r adroddiad yn sôn?**

Adroddiad Blynyddol Pwyllgorau Archwilio i'r Cyngor ar gyfer 2013/14.

**2. Beth yw'r rheswm dros lunio'r adroddiad hwn?**

- 2.1 I gyflwyno adroddiad blynyddol am weithgareddau'r Pwyllgor Archwilio yn 2013/14 i'r Cyngor.
- 2.2 I gydymffurfio ag Erthygl 6.3.7 o Gyfansoddiad y Cyngor sy'n amodi bod yn rhaid i'r pwyllgorau archwilio adrodd yn flynyddol i'r Cyngor llawn am eu gwaith a gwneud argymhellion ar gyfer rhaglenni gwaith i'r dyfodol a dulliau gweithio diwygiedig os yw'n berthnasol.

**3. Beth yw'r Argymhellion?**

Bod y Cyngor yn ystyried Adroddiad Blynyddol y Pwyllgorau Archwilio ar gyfer 2013/14 ac yn rhoi sylwadau yn unol â hynny.

**4. Manylion am yr adroddiad.**

- 4.1 Mae Cyfansoddiad Cyngor Sir Ddinbych yn amodi y bydd pwyllgorau archwilio'r Awdurdod yn adrodd yn flynyddol am eu gweithgareddau yn ystod y flwyddyn i'r Cyngor Sir.
- 4.2 Roedd y Grŵp Cadeiryddion ac Is-Gadeiryddion Archwilio (SCVCG) am gael yr Adroddiad Blynyddol eleni mewn fformat byrrach nag a dreialwyd y llynedd gan eu bod yn teimlo ei fod yn rhoi trosolwg byr i ddarllenwyr, o sut y mae'r archwilio yn gweithredu, y gwaith a wneir gan bwyllgorau, a rhoi gwybod i drigolion sut y gallant gymryd rhan yn y broses archwilio a chyfranogi ati.
- 4.3 Yn ogystal â chynnwys crynodeb o benderfyniadau pob pwyllgor archwilio, mae adroddiad eleni yn canolbwyntio ar amlinellu gwaith archwilio wrth herio cynlluniau'r Cyngor i gyflawni ei flaenoriaethau corfforaethol erbyn 2017.

Amcan archwilio wrth edrych ar y polisiâu a strategaethau hyn yn fanwl yw cefnogi'r gwaith o ddarparu'r saith blaenoriaeth gorfforaethol a chynorthwyo'r Cyngor i wireddu ei ddyhead ar fod yn agos at y gymuned.

- 4.4 Fel yn y blynyddoedd diweddar, mae Adroddiad Blynyddol eleni yn cynnwys ffurflen sy'n galluogi'r cyhoedd i gynnig meysydd neu wasanaethau i'w hystyried gan archwilio. Y rhesymeg y tu ôl i'r ffurflen hon yw ceisio ennyn diddordeb y cyhoedd a gwella rhyngweithio preswylwyr ag archwilio yn unol â disgwyliadau Llywodraeth Cymru ar awdurdodau lleol i gynyddu ymgysylltu â'r cyhoedd a rhyngweithio gyda'u gwaith. Yn ystod y flwyddyn ddiwethaf mae llond llaw o drigolion wedi cysylltu ag archwilio Sir Ddinbych i gynnig eitemau oedd yn eu barn nhw yn haeddu eu harchwilio. Fodd bynnag, gan fod y materion a godwyd yn bennaf o natur leol cawsant eu datrys drwy ddulliau mwy priodol eraill. Er hynny, gan fod y ffurflen hon yn galluogi trigolion i dynnu materion at sylw'r Cyngor mae wedi ei gynnwys yn yr Adroddiad Blynyddol unwaith eto.

#### Astudiaeth Gwella Craffu Swyddfa Archwilio Cymru

- 4.5 Mae'r adroddiad terfynol yn dilyn yr astudiaeth genedlaethol a gynhaliwyd gan Swyddfa Archwilio Cymru yn dal i gael ei ddisgwyl. Ar ôl ei dderbyn bydd y Grŵp Cadeiryddion ac Is-gadeiryddion Archwilio yn ystyried ei argymhellion a phenderfynu a oes angen unrhyw newidiadau i arferion archwilio'r Awdurdod yn seiliedig ar ganfyddiadau'r adroddiad.

#### Mesur Llywodraeth Leol (Cymru) 2011

- 4.6 Yn yr un modd, mae awdurdodau lleol yn aros am y pwerau angenrheidiol i gael eu cadarnhau gan eu galluogi i ddefnyddio'r darpariaethau a gynhwysir ym Mesur Llywodraeth Leol (Cymru) 2011 i orfodi darparwyr gwasanaethau cyhoeddus eraill i fynychu archwilio pan ofynnir iddynt wneud hynny. Hyd nes y gwneir y Gorchymyn gall sefydliadau sy'n darparu gwasanaethau cyhoeddus i drigolion y Sir gael eu gwahodd i ymgysylltu â phwyllgorau archwilio yn unig. Serch hynny, mae'n bleser adrodd bod yr holl gyrff a wahoddwyd i fynychu archwilio yn Sir Ddinbych hyd yma wedi derbyn y gwahoddiad.

### **5. Sut mae'r penderfyniad yn cyfrannu at y Blaenoriaethau Corfforaethol?**

Bydd archwilio effeithiol yn gymorth i'r Cyngor gynnal y blaenoriaethau corfforaethol yn unol ag anghenion cymunedau a dymuniadau trigolion.

### **6. Beth fydd yn ei gostio a sut bydd yn effeithio ar wasanaethau eraill?**

- 6.1 Mae cyhoeddiad yr Adroddiad Blynyddol yn ffurfio rhan o adroddiadau rheolaidd y pwyllgor sy'n cael eu hanfon i'r cynghorwyr sir a derbynwyr eraill, felly nid oes unrhyw gostau ychwanegol wrth ei gyhoeddi. Bydd yr Adroddiad Blynyddol yn cael ei ddsbarthu i fannau'r Cyngor megis llyfrgelloedd, Siopau Un Stop, canolfannau hamdden a chynghorau tref a chymuned, gyda fersiwn electronig yn cael ei hanfon i holl gynghorau ysgol y Sir. Bydd ar gael ar fewnwyd a gwefan y Cyngor hefyd.

6.2 Bydd unrhyw gostau a geir mewn perthynas â'r pwerau newydd a roed i bwyllgorau archwilio gan Fesur Llywodraeth Leol (Cymru) 2011 yn cael eu cyllido a'u cynnwys yng nghyllideb bresennol y Cyngor ar gyfer costau democrataidd. Bydd rhaid i unrhyw gostau a geir o gynnal pwyllgorau archwilio ar y cyd gydag awdurdodau lleol eraill gael eu trafod gyda'r awdurdod/au lleol perthnasol a'u cynnwys yn y cyllidebau presennol.

**7. Beth yw prif gasgliadau'r Asesiad o Effaith ar Gydraddoldeb a gwblhawyd ar gyfer y penderfyniad?**

Dylai archwilio effeithiol o bolisïau, dulliau gweithredu a phenderfyniadau'r Cyngor liniaru'r risg o unrhyw effaith andwyol ar bobl sy'n rhannu nodwedddion wedi'u diogelu.

**8. Pa ymgynghoriadau a gynhaliwyd gyda'r Pwyllgorau Archwilio ac eraill?**

Mae Aelodau o Grŵp Cadeiryddion ac Is-Gadeiryddion Archwilio wedi bod yn rhan o ddrafftio'r Adroddiad Blynyddol ac ymgynghorwyd â hwy am ei gynnwys.

**9. Datganiad y Prif Swyddog Cyllid**

Nid oes goblygiadau ariannol arwyddocaol o ganlyniad i'r adroddiad hwn. Fel y nodwyd ym mharagraff 6 uchod bydd unrhyw gostau yn ymwneud â chynhyrchu'r Adroddiad yn cael eu cynnwys yn y cyllidebau presennol a bydd unrhyw gost wrth sefydlu pwyllgorau craffu/archwilio ar y cyd yn amodol ar drafodaethau rhwng yr awdurdodau perthnasol.

**10. Pa risgiau sy'n bodoli ac a oes unrhyw beth y gallwn ei wneud i'w lleihau?**

Ni chanfuwyd unrhyw risg mewn perthynas ag ystyriaeth Adroddiad Blynyddol y Pwyllgorau.

**11. Pŵer i wneud y Penderfyniad**

Mae Erthygl 6.3.7 o Gyfansoddiad y Cyngor yn amodi bod yn rhai i bwyllgorau archwilio'r Cyngor adrodd yn flynyddol i'r Cyngor ynglŷn â'u gweithgareddau.

**Swyddog Cyswilt:**

Cydlynnydd Archwilio

Ffôn: 01824 712554

[dcc\\_admin@denbighshire.gov.uk](mailto:dcc_admin@denbighshire.gov.uk)